

Sarajevo, 03.11.2021. godine

Jasna Duraković zastupnica SDP BiH

Skupština Kantona Sarajevo

Ministrastvu za odgoj i obrazovanje KS

INICIJATIVA

Podnosim inicijativu da Ministarstvo za odgoj i obrazovanje KS prekine moratorij na zapošljavanje u obrazovnim institucijama (osnovnim i srednjim školama u KS) koji traje od 2012. godine, jer veliki broj prosvjetnih radnika već godinama, ne uspeva zasnovati stalni radni odnos. Ovo su stotine upražnjenih mjesta za koja već postoje obezbijeđena sredstva. Vlada i Ministarstvo već godinama odvajaju novac za ta radna mjesta, stoga bi rješenje bilo promjena Pravilnika i centralni spisak kandidata za određena radna mjesta.

Obrazloženje

Protekli dugi period nezapošljavanja u stalni radni odnos u obrazovanju stvorio je velike probleme. Trenutno postoji nekoliko stotina upražnjenih radnih mjesta u osnovnim i srednjim školama u KS. To nisu nova radna mjesta. Dovoljno je da pogledate desetine konkursa objavljenih na stranici resornog Ministarstva, a svaki konkurs nudi više radnih mjesta. To su mladi ljudi koji godinama konkurišu i uvijek dobiju posao, ali nisu sigurni koliko će to trajati. Zbog nesigurne egzistencije ne odlučuju se za stvaranje porodice ili podizanja kredita i rješavanja stambenih problema. Veliki broj kandidata je i u poznim godinama, pa nerijetko i demobilisanih boraca Armije BiH, invalida, koji nisu zaslužili da se svakog augusta godinama prijavljuju na konkurse. Problem je jednako veliki za svaku školu u KS i svaka škola ima svoju Konkursnu komisiju, koja boduje, rangira, obavlja intervjue i konačne liste prosljeđuje direktoru da okonča proceduru. Desetine škola obavlja sizifovski posao, koji se ponavlja svakog augusta. Članovi Komisije su nastavnici koji nisu stručne osobe, pravnici i sl. te često u svom radu, obrađujući na stotine prijave, načine greške, pa po prijavi Inspekciji, škole i direktori plaćaju velike kazne. Ovo je samo jedan od nepotrebnih troškova svake škole. Na stotine maraka svaka škola u Kantonu potroši na objavljivanje konkursa, veliku poštarinu i sl. troškove. Ovako veliki broj konkursa je trošak i za svakog kandidata koji potroši novac na kopiranje desetina papira i troškove poštarine. Problem čini i Pravilnik koji se trenutno primjenjuje. Pravilnik je podložen stalnim stalnim izmjenama, pa nekada je potpuno nejasan ili u suprotnosti sa Zakonom ili proturiječan sam sebi. Jedan od ovogodišnjih izmjena Pravilnika je i potpuni apsurd. Nepotpuna i puna radna norma se boduju isto. Ovo je razlog čestih promjena učitelja i nastavnika u odjeljenjima, što rezultira velikim nezadovoljstvom roditelja i učenika. Svake godine se zbog istog problema rad Komisije koja provodi konkursnu proceduru završava tek početkom oktobra što remeti dobru organizaciju škole.

Jasna Duraković